


At-ILITSERSUUT



GL.6.4
Suliffiugallartuni aamma paarlakaattuni suliffinni,
taakkununga ilanngullugit illuliornermik sanaartornermillu
suliffinni isumannaallisaaanermik peqqinnissamillu suliaqarneq

November 2006

Suliffiugallartuni aamma paarlakaattuni suliffinni isumannaallisaanermik peqqinnissamillu suliaqarnerup aqqissuussaananut, tamatumunnga ilanngullugu illuliornermik sanaartornermillu suliffimmi suliap aqqissuussaananut atuuttut malittarisassat immikkut ittut pillugit At-ilitersuut paasissutissivoq.

Ilitsersuummi matumani nassuiaataasumut naleqqiullugu allatut iliuuseqartumik isumannaallisaanermik peqqinnissamillu suliaqarnerup aqqissuussaansaa pillugu suliffeqarfimmi sulisitsisoq sulisuusullu isumaqatigiissuteqarsinnaapput. Tamatumunnga periarfissaqarnera Sullivinnik Nakkutilliisoqarfiup suliffeqarfiit isumannaallisaanermik peqqinnissamillu suliaqarnerup pillugu isumaqatigiissutit pillugit ilitersuutaani erseqqinnerusumik nassuiarneqarpoq. (1).

1. Suliffiugallartut aamma paarlakaattuni suliffiit

Suliffigisap aalajangersimasumik suliffeqarfiata avataaniipput suliffiugallartut aamma paarlakaattuni suliffiit. Suliffiugallartut aamma paarlakaattuni suliffiit pillugit malittarisassat atuutissapput suliarisat suliffeqarfiup allap inigisaaniikkaluarpas, sanaartorfimmiikkaluarpas, inunni sullitaniikkaluarpas, aqqusineriikkaluarpas aammalu silami nunaminertani allaniikkaluarpas, imaluunniit assartuineriikkaluarpas aammalu suliaq suliffiugallaraluarpas imaluunniit atavartutut iluseqartuugaluarpas.

Suliffiugallartuni aamma paarlakaattuni suliffiusuni sulisoqarnermi isumannaallisaanermik suliarisat suliffigisami pineqartumi aqqissuunneqassaaq sulisitsisoq suliffiusumi tallimanik imaluunniit amerlanernik sulisoqarpat, aammalu sulineq minnerpaamik ulluni 14-ini ingerlanneqarpat.

Suliffiugallartuni aamma paarlakaattuni suliffinni sulinerit assersuutigalugit tassaapput iluarsaassinermik aserfallatsaaliuinermillu sulineq, politiini, qatserisartuni annaassiniartartunilu sulineq, assartuinermik sulineq, eqqaavilerineq, igalaanik qillarissaaneq, nakkutilliinermik suliaqarnerup, eqqiluisaarineq, angerlarsimaffinni ikiortitut sulineq, pigaartuuneq, kiassaanermik, erngup aqqutaanik innaallagissamillu pilersuinermik suliaqarnerup, kiisalu illuliornermik sanaartornermillu suliaqarnerup. Malittarisassat aamma assersuutigalugit suliffimmi sinnisutut peqqissaasutullu atorfilinnut, taassumali suliaqarfittut avataani suliaqartuusunut atuupput.

2. Suliffigisap angerlarsimaffiani isumannaallisaaniaqatigiit

Suliffiugallartuni aamma paarlakaattuni suliffiusuni sulisuusut suliffigisap angerlarsimaffiani isumannaallisaaniaqatigiinnik pilersitsisoqarnissaa pillugu nalunaarsuinermut ilanngunneqassapput. Taamaalilluni sulisut quliuppata imaluunniit amerlaneruppata – avataani sulisuusut ilanngullugit – suliffeqarfimmi isumannaallisaaniaqatigiinnik pilersitsisoqassaaq.

Suliffiugallartuni aamma paarlakaattuni suliffiusuni sulisuusut ilanngunneqassanngillat suliffigisap aalajangersimasumik suliffigisartagaata avataani suliffiugallartumi imaluunniit paarlakaattuni suliffiusuni aalajangersimasumik illulior-nissamik sanaartornissamillu suliaqartussatut atorfinitsitaasimappata.

Suliamut pineqartumut atorfinitsitaasimaneq isumaqarpoq suliffigisaagallartumut atorfinitsitsisoqarnera, suliaq naammassippat taamaatittussaasumik.

3. Suliffinni ataasiakkaani

isumannaallisaanermik suleqatigiissitaq

Suliffinni ataasiakkaani isumannaallisaaniaqatigiit minnerpaamik ataatsimik isumannaallisaanermik suleqatigiissitanik ilaasortaqaassapput, suliffimmi isumannaallisaanermik peqqinnissamillu suliamik isumaginnittuusussanik. Isumannaallisaanermik suleqatigiissitat ataatsit sinnerlugit pilersitsisoqarnissaa suliap qanoq aaqqissuussaananeramik aalajangerneqassaaq.

Suliffiugallartuni aamma paarlakaattunik suliffigisani isumannaallisaanermik suleqatigiissitat suliffigisap angerlarsimaffiani isumannaallisaanermut ataatsimii-titanut ilaanngillat. Suliffeqarfimmi qanorluunniit amerlatigisunik sulisoqaraluarpat malittarisassaq taanna atuuppoq, soorlulusooq tamanna ilutigalugu avataani sulisuusut suliffigisap angerlarsimaffiani isumannaallisaanermik suleqatigiissitanit attuumaffeqarneri apeqqutaatinneqaratik.

Isumannaallisaanermik sinniisooq isumannaallisaanermik suleqatigiissitani avataani sulisuusunit qinerneqarlunilu taakku akornanniissaaq, suliffigisami suliner-mik siulersuisooq peqatigissallugu.

Illuliornermik sanaartornermillu suliaqarnermi isumannaallisaanermik suleqatigiissitani arlalinni suliner-mik siulersuisup peqataaqataanissaa pisariaqarsinnaavoq. Tamatumunnga tunuliaqutaasooq tassaavoq naalagaasat akortertullu illuliornermik sanaartornermillu suliffiusuni ataasiakkaani nalinginnaasumik suliner-mik siulersuisunngornissamut piumasaqataasunik naammassinnissimasannginnerat.

4. Isumannaallisaanermik suleqatigiissitat suliffiugallartumi suliassaat

Isumannaallisaanermik suleqatigiissitat sammisarisaattut immikkoortortaani isumannaallisaanikkut peqqinnissallu tungaatigut ajornartorsiutinik aaqqiiniar-nissamik isumannaallisaanermik suleqatigiissitat suliaqarniartussaapput. Ataa-vartumik ajornartorsiutit pinngortinnaveerniarlugit isumannaatsuutitsineq peqqissuserlu atavartumik isumannaallisaanermik suleqatigiissitat nakkutigis-savaat, sulisitsisuusullu isumannaallisaanermik ataatsimiigiaqqusinerani peqa-taaqataasassaallutik. Tassani ilaatigut sulisitsisuusq peqatigalugu isumannaal-lisaanermik suleqatigiissitat suleqateqassapput, isumannaallisaanermut peqqinnissamullu pilersaarutaasup nutarsarneranut peqataaqataassallutik. Isumannaallisaanermik suleqatigiissitat suliaannut ilaavoq isumannaallisaanermik ataatsimiinnermut piareersarlunilu malitseqartitsisarnissaq.

Suliffiugallartuni aamma paarlakaattuni suliffiusuni isumannaallisaanermik su-leqatigiissitat aammalu suliffigisap angerlarsimaffiani isumannaallisaaniaqati-giit isumannaallisaanermik peqqinnissamillu ajornartorsiutaasut aaqqiiviginiar-nerinik suleqatigiissapput. Ilaatigut makkuninnga suleqatigiittoqassaaq: ator-tussianik atugassanillu pisiortoneq, maskiinanik atortunillu pissarsineq, su-liamut aalajangersimasumut suliffiup nalilernerata naleqqussarnera, kiisalu sa-naartornermik suliassanut takkuttussanut atugassanik ilisimalikkanik katersui-nerit.

5. Suliffigisap angerlarsimaffiani isumannaallisaanermik suleqatigiissitat

Sulisut suliffiugallartuni aamma paarlakaattuni suliffiusuni atorfeqartut sulif-feqarfiup aalajangersimasumik suliffigisaani isumannaallisaanermik suleqati-giissitamut ilaassapput. Malittarisassaq illuliornermik sanaartornermillu sulia-mut aalajangersimasuinnarmut atorfinitsitaasunut atuutinngilaq.

Sulisut avataani sulisuusut suliffigisap angerlarsimaffiani immikkoortortamut aalajangersimasumik qaqutiguunngitsoq attuumaffeqartassapput. Assersuuti-galugit tamanna iluarsaassisarfittut immikkoortortamit iluarsaassisartuusunut, aammalu inissitsiterinermik katersuinermillu immikkoortoqarfimmit katersui-sartunut (montørinut) atuuppoq, soorlu politiit, qatserisartut annaassiniartar-tullu aalajangersimasumik stationimiittartuunerisut.

Taamatut pissutsit atuunnerisigut avataani sulisut suliffeqarfiup angerlarsimaf-fiani immikkoortortamut pineqartumut isumannaallisaanermik suleqatigiissit-amut atasuupput. Avataani sulisuusut suliffeqarfiup angerlarsimaffiani isuman-naallisaanermik suleqatigiissitanut qinersisinnaatitaapput qinerneqarsinnaallu-tillu, qinersinermullu attaveqartitaanissaat qinigassanngortissinnaanissaallu isumannaarneqassaaq.

Suliffeqarfiup angerlarsimaffiani isumannaallisaanermik suleqatigiissitami pio-reersumi avataani sulisut attuumaffeqanngippata avataani sulisunut immikkut ittumik suleqatigiissitaliortoqassaaq. Taamaattoqalerneratigut avataani sulisuinnaat isumannaallisaanermik suleqatigiissitanut qinersillutillu qinigassanngortissinnaapput.

Suliffeqarfimmi sulianut ingerlanneqartunut suliaat malunnaatilimmik allaanerulluinnartuuppat paarlakaattuni suliffinni sulisunuinnaq isumannaallisaanermik suleqatigiissitaliortoqarnissaa inassutigineqarpoq. Assersuutigalugu tuniniaasut suliaat suliffiup angerlarsimaffiani suliarisanut, assersuutigalugu tunisassiornermik allaffimmilu sulinermik iluseqarnerusinnaasunut naleqqiullugit allaanerulluinnartartuupput.

Avataani sulinerup aqqissuussaanerata pissusissamisoortippagu isumannaallisaanermik suleqatigiissitanik arlalinnik pilersitsisoqarsinnaavoq. Isumannaallisaanermik suleqatigiissitat agguataarneri amerlassusaalu suliap aqqissuussaaneranut sulinerullu ineriartortitaaneranut naleqqussarneqassapput. Sulinermik siulersuisunut ataasiakkaanut tamanut nalinginnaasumik isumannaallisaanermik suleqatigiissitaliortoqassaaq, aammattaaq angerlarsimaffinni ikiortitut sulialinnut atasuugaluarpat. Aamma eqqiluisaarinermik suliaqarnermut tamanna atuukkajuttuussaaq.

6. Suliffiugallartuni isumannaallisaanermut ataatsimiititat

Suliffiugallartuni illuliornermik sanaartornermillu sulinermi suliffiugallartumi sulisitsisut ataasiakkaat piffissami minnerpaamik sap. akunnerini sisamani 20-nik imaluunniit amerlanernik sulisoqarnerani isumannaallisaanermut ataatsimiititanik pilersitsisoqassaaq. Isumannaallisaanermut ataatsimiititanik pilersitsisoqarnissaanik naliliisoqarnerani suliffiugallartumi sulisitsisup sulisui tamaasa ilanngunneqassapput. Tamanna atuuppoq sulisut aalajangersimasumik sulisorissallugit atorfinitsitaagaluarpata imaluunniit suliffiusumut aalajangersimanagerusumik atorfeqartitaagaluarpata.

Suliffiup angerlarsimaffigisaanisut isumannaallisaanermut ataatsimiititat ilusilersorneqassapput. Taamaalillutik isumannaallisaanermut ataatsimiititat isumannaallisaanermik suleqatigiit sinniisuinit siulittaasumillu inuttaqartuupput. Siulittaasoq tassaavoq sulisitsisoq/suliffeqarfimmi pisortaq imaluunniit sulisitsisup sinniisaa suliffiugallartumi siulersuisut sinnerlugit aalajangiisinnaasoq.

Suliffigisani isumannaallisaanermik suleqatigiissitanik ataatsimik marlunnilluunniit pilersitsiviusuni isumannaallisaanermut ataatsimiititat inuttarissai tassaapput suleqatigiissitap/suleqatigiissitat ilaasortai kiisalu siulittaasoq. Isumannaallisaanermik suleqatigiissitaniilluni sulinermik siulersuisuusoq sulisitsisumut siulittaasussatut toqqarneqarsinnaavoq. Taamaalineratigut ataatsimiititat ilaasortaat marluusinnaapput imaluunniit sisamaasinnaapput.

Suliffiusuni isumannaallisaanermik suleqatigiissitanik marluk sinnilinni isumannaallisaanermik sinniisuusut isumannaallisaanermut ataatsimiititanut sinniisussat marluk akunnerminni qinissavaat. Taamatutaaq sulinermik siulersuisut isumannaallisaanermut ataatsimiititamut sinniisut marluk akunnerminni qinissavaat. Sulisitsisoq imaluunniit taassuma akisussaaitatut sinniisua siulittaasuvoq.

Suliffiugallartumi sulisitsisut ataasiakkaat sulisuinut isumannaallisaanermik suleqatigiissitami ilaasortaasut taamaallaat isumannaallisaanermut ataatsimiititamut qinersinnaatitaallutillu qinigassangortitaasuupput.

7. Isumannaallisaanermik ataatsimiinnerit aamma isumannaallisaanermik isumalioqatigiissitat

Suliffiusumi ataatsimi sulisitsisut marluk imaluunniit amerlanerit ataatsimoortilugit inuit qulit sinnerlugit sulisorineqarpata, illuliorfinni sanaartorfinnilu sanatitsisup isumannaallisaanermik ataatsimiittoqarnissaa isumagissavaa. Isumannaallisaanermik ataatsimiinnerit – suliffiusumi pisussaasuni – siunertariisaat tassaavoq sulisitsisut ataasiakkaat isumannaallisaanermik suliaasa ataqatigiissinnissaat.

8. Suliffigisami ataatsimi sulisitsisut arlallit akornanni suleqatigiinneq

Suliffigisami ataatsimi sulisitsisut arlallit aammalu allat akornanni suleqatigiinnissaq pillugu malittarisassat tassaapput suliffeqarfinni ataasiakkaani isumannaallisaanermik suliaqarnissamut tapiliussat. Sulisitsisuugaluaaraanni, sulinermik siulersuisuugaluaaraanni imaluunniit sulisuugaluaaraanni, aammalu suliffeqarfinni sumiluunniit sulisuugaluaaraanni suliffigisami kikkut tamarmik isumannaallisaanermut peqqinnissamullu suliarisamut tamakkiisumik iliuuseqarnissaannut malittarisassat isumannaareqataasussaapput. Malittarisassat isumannaallisaaniaqatigiinnarnut pinnatik suliffigisamili kikkunnut tamanut sulisorineqartunut atuupput.

Suliffigisami ataatsimi suliamik ingerlataqartitsisut sulisitsisut arlallit akornanni suleqatigiinnissaq pillugu malittarisassat aamma namminersortunut sulisunik atorfinitsitaqanngitsunut atuupput.

Suliffigisami ataatsimi suliamik ingerlataqartitsisut sulisitsisut arlallit, suliffigisamilu sulisuusut tamarmik suliffigisami pissutsinik isumannaallutillu peqqinartuusunik pilersitsinissamik suleqatigiissapput. Paatsoortoqannginnissaanik isumannaarisunik malittarisassiortoqarnissaa pisariaqarsinnaavoq. Inissisimaffinni tamani suleqatigiinnissaq sunnuteqarluartumik atuutissappat sulisunut tamanut malittarisassiarisat takuneqarsinnaangortinnissaat pingaaruteqarpoq.

Suleqatigiinnermuttaaq isumannaallisaaniaqatigiit ilanngunneqarnissaat aamma pisariaqassaaq.

Suliffigisami sulisitsisut ataasiakkaat suliarisinaanut atasunik ulorianaataasinnaasut pillugit sulisitsisut imminnut paasisitsissuteqassapput. Tamatumunnga siunertaasoq tassaavoq sulisitsisoq pineqartumik suliaqanngitsuusoq ajornartorsiutaasut pillugit paasisinneqareernermit nammineq sulisuminut naleqqiullugu iliuusissaqarsinnaanissaa. Sulisitsisut ataasiakkaat sulisuminut paasisutissiissutinik ingerlateqqiinissaminut pisussaataavoq.

Suliffigisami sulisitsisut arlallit sulianik ingerlataqartitsivigisaani sulisut sulisitsisullu tamarmik namminneq suliarisaminut atasunik malittarisassat aammalu sulisitsisut assigiinngitsut akornanni suleqatigiinnikkut malittarisassiarisat najoqqutaralugit sulinermit ingerlatsissapput. Tamatumunnga siunertaasoq tassaavoq suliffeqarfimmi suliat atuuffigisaat tamarmik isumannaalluinnartumik isumannaallisaanikkut peqqissutsikkullu ingerlanneqarsinnaanissaat.

Suliffeqarfiup allaasup atuuffigisaani sulisut sulisitsisullu suliaqartuusut tamarmik suliamut suliarisaminut malittarisassat atuuttut najoqqutarissavaat. Tamatumama saniatigut suliffeqarfimmi suliffigisassaminni isumannaallisaanermut peqqinnissamullu malittarisassat atuuttut najoqqutarissavaat.

Jens Jensen

Aammattaq Sullivinnik Nakkutilliisoqarfiup makkununga ilitsersutai atuakkit:

- (1) Suliffeqarfiit isumannaallisaanikkut peqqinnissakkullu suliaat pillugit isumaqatigiissutit
- (2) Suliffiit isumannaallisaanermik peqqinnissamillu suliarisaat
- (3) Isumannaallisaanermik suleqatigiissitat aamma isumannaallisaanermik sinniisut
- (4) Isumannaallisaanermut ataatsimiititat.

Sullivinnik Nakkutilliisoqarfik

Imaneq 18
Postboks 202
3900 Nuuk
Telefon +299 34 25 90
Telefax +299 34 25 91
e-post at@at.gl
www.at.gl

